



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus IX. De revocatione rescriptorum.

[urn:nbn:de:hbz:466:1-73031](#)

clausula illi derogante; fundatur in c. *Abbatem* 140. b. t. junct. gloss. V. per literas generales, ubi dicitur, quod diccesanus, cui scribitur, ut in diccesi sua, ubi pro aliо scriptum non est, provideat, & faciat provideri, non possit id exequi circa beneficium spectans ad collationem alterius, jam pro alio gravati. & in c. *Si propter*, 10. eod. in 6. Nam postquam Bonifacius VIII. Episcopo cuidam ex speciali gratia concepsit, ut ad dissolutionem debitorum Ecclesiae suae omnium beneficiorum vacantium in diccesi primos fructus ad quinquennium percipere possit, non obstantibus quibus libet consuetudinibus, privilegiis, vel statutis, per quae gratia ista impediti posset; aliquorum autem beneficiorum fructus primi anni speciali consuetudine, privilegio, vel statuto debebantur Ecclesiae Cathedralis fabricae, vel alteri usui, vel alicui personae singulari, dubitatum fuit, quid de his fructibus faciendum esset? respondit Papa, intentionem suam non esse, nova illa concessione specialibus ante a factis primorum fructuum applicationibꝫ præjudicium afferre, nisi id expressum fuerit. Princeps enim non censetur velle alicui auferre privilegium speciale, prius concessum, nisi id exprimat, c. *Veniens*, 19. de *Prescript.* sic Layman in c. 1. de *rescript.* n. 8. & hoc etiam procedit in rescriptis ad lites. Nam & in his generali derogatur per speciale secundum dicta, ut colligitur ex c. *Pastoralis*, 14. Q. *quoniam*, ead. junct. gloss. V. *Jurisdictionem*. In toto quippe jure, generi per speciem derogatur, sive species praecedat, sive sequatur; sic Azor p. 1. l. 5. c. 12. q. 12.

ARTICULUS IX.

De revocatione rescriptorum.

1589. **A**ntequam agamus de revocatione rescriptorum, resolvenda venit quaestio, quando rescripta censeantur esse in statu integro, quando incepta, seu, non esse in statu integro? Ex hoc enim pendent plures quaestiones in materia rescriptorum. Nam, ubi executio rescripti jam est incepta, & non amplius est in statu integro, jurisdictione delegata prorogatur, seu firmatur, & radicatur in delegato; etiam si mandans, seu delegans moriatur ante fi-

nem executionis. Ad hoc resolvendum sit:

Q. I.

An, ut res definit esse in statu integro, requiratur jurisdictionis delegata usus per citationem?

1590. **V**ideletur negandum ex eo; quia tunc causa delegata definit esse integra, & dicitur jam *incepta*, quando delegatus jurisdictionis sibi commissa exercevit aliquem usum; econtra esse in statu adhuc integro, quando nullum ejus usum exercevit; & colligitur ex c. *Licet undiq.*, de offic. deleg. & c. Si à subdelegato, eod. in 6. Cùm ergo illi actus fieri possint, ante citationem partium, videtur, non requiri, ut res definit esse in statu integro, factum esse usum jurisdictionis per citationem. Hæc opinio valde probabilis est; in praxi tamen tenendum, requiri saltem usum per citationem, propter communem Doctorum consensum, qui videri poslunt apud Sanchez l. 8. D. 28. à n. 8. & constabit ex sequentibus.

1591. Et quamvis citatus Author num. 13. censeat, sufficere citationem, seu mandatum expressum, seu expeditum esse à delegato, licet ad citatum non pervernerit; probabilius tamen est (ex suppositione sententiae, ut res definit esse integra, requiri citationem) necessarium esse mandatum partibus intimatum. Nam solùm mandatum citandi, vel intimandi, aut mandati expeditio, non est citatione perfecta, & consummata, qualem jura requirunt, dum partis citationem exigunt, arg. c. *quia propter*, & c. Cùm post petitum, de elect.

1592. Unde quando in c. *gratum, de offic. deleg.* dicitur, negotiatio esse quasi cæptum ex hoc, quod propositum sit citationis editum, non intelligitur de sola mandati expeditione, sed de proposito edicto cum effectu, seu citatione facta, quæ non tribuitur nudo mandato; unde in eodem c. expressè dicitur: quod, cùm in casu, priori citatione facta, negotium sit quasi cæptum, proposito edicto, non insinuat, quod sit quasi cæptum ex sola editi expeditione: sed potius intimatione; præterquam quod illa verba, quæ dicunt negotium quasi cæptum proposito edicto non sint.

sunt verba Papæ, sed solum partis; Pontifex enim expressè requirit citationem factam.

1593. Hinc, cum citatio petatur ad inchoandam jurisdictionem, non potest solum mandatum dici citatio perfecta in ordine ad effectum perpetuandi jurisdictionem in delegato. Nam licet mandatum citandi partes sit aliquis usus jurisdictionis delegatae; quia tamen perpetuatio jurisdictionis in delegato, supponit usum per citationem ad hunc effectum perpetuationis; & mandatum citandi non sit citatio propriè loquendō, sed tantum quoddam ejus initium, solum mandatum non potest inducere illum effectum, nisi completum.

1594. Neque dicas cum Pithing h.t. n. 179. citatio habet vim præcepti, ac instar ejus obligat, effectumque suum producit; sed præceptum, quatenus à Superiore procedit, censetur habere plenum effectum, & quantum est ex se, vim obligandi; licet per accidens ratione ignorantiae non obliget, donec fuerit intimatum; ergo similiter. Resp. nec præceptum obligare in actu secundo, antequam intimet subdito, licet habeat vim obligandi in actu primo solum remoto; & proximè potens obligare requirat sui applicationem ad voluntatem subditi per cognitionem. Sic dicendum de citationis edicto, in quantum procedit à delegante.

1595. Si queras, an ad hunc effectum perpetuandæ jurisdictionis sufficiat unica citatio? Resp. affirmari probabilius; quia in cit. c. gratum, & c. à subdelegato, plus non exigitur, quam citatio facta; sed, licet tantum semel facta sit v. gr. per editum, verè facta est citatio. Unde quando in Authent. qui semel, & L. tres denuntiationes, C. quomodo, & quando J. dex, requiritur trina; sermo est quoad effectum, ut condemnetur citatus; non autem ad effectum, ut perpetuetur jurisdictionis, ita Sanchez cit. à n. 14.

§. II.

An, ut causa desinat esse integra, sufficiat usus jurisdictionis factus per citationem?

1596. Negativam tenent plures apud Sanchez cit. quibus accedit Salas D. 20.

S. 17. nu. 127. Barbola p. 2. de potestate Episcopi, allegat. 39. n. 29. volentes, jurisdictionem delegatam, integrum esse, quousque lis contestata sit. Sed affirmativa, quoad effectum perpetuandi jurisdictionem delegatam, probabilius est 1. quia revera probabilius est, de jure, ad hunc effectum requiri usum jurisdictionis per citationem juridicam, ex num. 1590. 2. quia citatione facta, negotium est quasi coepit, ut expressè dicit Urbanus III. in cit. c. gratum; sed hæc potest esse facta, lite nondum contestata; ergo etiam negotium quasi coepit; consequenter non integrum; ita Sanchez cit. V. dicta n. 1590.

Dices tamen 1. in c. Relatum, 19. de offic. delegati, decernitur expirare jurisdictionem delegati, lite non contestata; ergo lite non contestata res manet integra; forus enim contentiosus, propriè dici non potest, nisi inter partes contentio fiat: at non est perfecta contentio, quousque lis contestetur. 3. quia ante litis contestationem non est judicium; quæ enim præcedunt, illius præambula dicuntur, ut notat Scaccia in judic. c. 2. n. 22. & c. 8. num. 15. ergo jurisdictionis judicialis non erit exercita, nisi post litis contestationem. 4. lis non movetur, quo usque contestata non fuerit per c. Ex parte, 30. de Verb. signific. ergo neque jurisdictionis ad judicandum concessa prius dicitur exercita.

Ad 1. ex c. Relatum Resp. verum esse, 1598. quod ibi datur, si ante litis contestationem decessit mandator, seu mandans, non esse à Judicibus, quos delegaverat, ex delegatione hujusmodi procedendum; ex quo textu, ut patet in objectione, inferunt aliqui, causam, & jurisdictionem delegatam manere integrum, esto mortuus sit delegans, si ante hujus mortem lis non est contestata; consequenter jurisdictionem tali casu non perpetuari, sed expirare, etiam citatione facta, sed lite nondū contestata, id, quod tanquam probabilius amplectitur etiam Gonzalez in c. Gratum h.t. n. 4. quamvis n. 3. fateatur inter hæc duo capitula, nempe c. Relatum, 19. quod est Lucij III. & c. Gratum 20. quod est Urbanii III. esse manifestam antilogiam, seu contrarietatem; nam in c. Gratum expressè dicitur, perpetuari jurisdictionem in delegato, facta citatione; in c. Relatum, negari videtur. Ut

1599. Ut hanc apparentem contrarietatem dissolvant Authores, in varias interpretationes abeunt. Aliqui volunt textum in c. Relatum, corrigi per posteriorem in c. *gratum*; verum correc*tio* iurium statui non debet, ubi conciliari possunt, ut diximus titulo. 2. Alij volunt, Lucium III. non ut cunque dixisse, *jurisdictionem expirare*, si ante litis contestationem decedat mandans; sed debere subintelligi tò *maxime*, ut sensus sit, jurisdictionem delegatam expirare morte mandantis, *maxime* si contingat ante litis contestationem, ac quidem facta citatione; sed licet hoc cogitari possit, verba tamen hoc non significant. Alij dicunt, cùm in judicialibus ius Ecclesiasticum sequatur ut plurimum constitutiones Juris Civilis, in quo controversum est, *an sola citatione, an non nisi litis contestatione*, res definita esse integrata? Lucium Papam secutum esse opinionem tenentiu*m* hoc secundum, *tanquam tutius*; Urbanum verò primū, *tanquam benignius*; alij alias expositiones sequuntur.

1600. Mihi videntur loqui Pontifices in diverso casu. Nam quantum colligi potest ex c. Relatum, questio Papæ proposita fuit, *an expireret jurisdictione delegata, si delegatus alteri subdelegavit, & ante litis contestationem mandator, seu delegatus subdelegans decessit*, sic, ut à nullo, nisi à delegato, ullus usus (nisi subdelegationis) prius exercitus sit? & ad hoc Lucium respondisse affirmativè. Et in hoc sensu verum est, per talem usum subdelegationis non perpetuari jurisdictionem in subdelegato, si ante litis contestationem decessit delegatus delegans, de quo casu non agit Urbanus. Quod autem ibi loquatur Luius de delegato subdelegante, consequenter de casu, *an delegato ante litis contestationem mortuo jurisdictione perpetuerit in subdelegato?* colligitur ex eo, quia casus ibi propositus est, de delegatione facta Judicibus ab alio delegato ipsis Papæ, vel alterius, ut patet consideranti questionem ab Archi-Episcopo Cantuariensi, & Suffraganeis ejus Lucio III. propositam. Hinc:

1601. Ad cit. c. Relatum Resp. cum distinctione: *in cit. c. dicitur expirare jurisdictionem delegati ab alio delegato, si lite non contestata delegans moritur, nullo usu ni-*

si subdelegationis exercito, C. non delegati ab alio delegato, N. ant. dist. consequens: ergo lite non contestata res manet integra, quando agitur de jurisdictione subdelegata per delegatum C. jurisdictione non subdelegata, N. cons. secundum dicta.

Ad 2. in n. 1597. Resp. 1. translat 1602. ma. N. min. multi enim docent, judicium, etiam contentiosum (quod scilicet exercetur etiam in invitatos) incipere à citatione ad finem contentionis inter partes; ergo ut res dicatur deducta ad forum contentiosum, quatenus requiritur ad effectum perpetuandæ jurisdictionis in delegato, sufficit factam esse citationem; esto litis contestatio requiritur, ut dicatur deducta ad forum contentiosum *quoad alios effectus* v. g. ut delictum non maneat occultum, prout requiritur, ut Episcopi absolvant ab irregularitate *ex delicto occulto*, & non deducto ad forum contentiosum.

Ad 3. in n. cit. Resp. 1. cum distinctione: ante litis contestationem non est judicium continuativè; C. inchoativè, N. ant. Primus enim actus substantialis, adeoque principium, & fundamentum judicij, est *citatione*, §. ult. Institut. de pena temerè litigant. gloss. in c. Quoniam, 11. de probat. V. Citationes. Resp. 2. cum distinctione antecedentis: ante litis contestationem non est judicium, per ordinem ad quoslibet effectus, qui nascuntur, cùm parti petenti coram Juge responder Reus conventus C. ant. per ordinem ad effectus, quos parit usus jurisdictionis judicialis, hoc est, ad judicandum concessæ, N. ant. & sub eadem distinctione conseq. Nam ad effectum jurisdictionis delegatae, imò etiam subdelegatae perpetuandæ, sufficit, quod delegatus jurisdictione delegata; vel subdelegatus subdelegata uti ceperit. Tunc enim nec morte delegantis secuta post talem usum, jurisdictione finitur, ut expreſſè deciditur in c. Licet, 30. de offic. deleg. ubi resolutur, si unus ex pluribus delegatis, alteri ex illis, suam jurisdictionem deleget, & hic uti capit eo vivente, jurisdictionem sic delegatam non expirare, licet post ejus usum mors mandantis secuta sit: ac citare est usus jurisdictionis.

Ad 4. in n. 1597. sicut responsum est in num. priori ad 3. Hinc concedo, litem non dici motam, nisi lis contestata fuerit,

fuerit, loquendo de motione *continuative*, ac per ordinem ad quoslibet effelus, qui nascuntur ex eo, quod pars contenta respondeat petenti; secus *inchoative*, & per ordinem ad effectum, quen inducit usus jurisdictionis delegata secundum dicta ex cit. c. Licet, 30. ubi ad quæstionem, an, cum tribus delegatis committitur causa ea lege, quod, si non omnes possint commissioni exequendæ adesse, ut si unus, qui alteri delegavit, mortuus sit, & alter recusat, superstes possit procedere, suo, & defuncti nomine respondit Pontifex: quod si jurisdictione à suo Collega sibi delegata eo vivente ut non cœperit, quia mandatum hujusmodi te integra morte mandatoris expiravit: non habet solus officium judicandi: si vero ante mortem illius jurisdictione uti cœperit taliter demandata, vices suas, & alius poterit adimplere.

§. III.

An causa desinat esse integra, si delegatus jurisdictionem commissam subdelegavit?

1605. **A**ffirmativam sequuntur plures relati à Sanchez cit. n. 18. sed probabilius est contrarium, id, quod tenet Sanchez loc. cit. & alii complures. Quia jurisdictione delegata non perpetuatur, nisi delegatus usus sit jurisdictione sibi delegata: at per hoc præcisè, quod delegatus subdelegaverit, non est usus jurisdictione delegata, sed ordinaria, virtute legis (non delegationis) competente delegato. Nam lex delegato concedit in his, vel illis causibus, potestatem subdelegandi; ergo. Et quoniā lex non distinguit, an subdelegatio fiat præsentibus, vel absentibus partibus, in utroque casu dicendum probabilius esse, ex sola subdelegatione non firmari jurisdictionem delegatam, nec dici posse, juridicè causam esse cœptam, & desuisse esse integrum; id, quod confirmari potest ex dictis, tum sententiae requiringentis ad hoc litis contestationem, vel saltem partis citationem.

1606. Præter dicta quæsti potest 1. an per re scripti præsentationem res desinat esse integra, & firmetur jurisdictione? Resp. ex dictis n. 1596. constare, quod non, quia

acceptare rescriptum, & jurisdictionem, non est, eo uti; ita Sanchez l. 8. matr. D. 28. n. 19.

1607. Quæsti potest 2. an jurisdictione ad plures causas, vel circa plures personas, in uno rescripto delegata, firmetur, per unam v. g. citationem, quoad omnes: cum distinctione, & concedo firmari quoad omnes per unicam citationem communem, nimirum omnium; non autem, si citatio facta sit solum particularis, nimirum, unius tantum ex illis, quorum causæ commissæ sunt. Ratio primi est; quia per talem citationem universalem causa jam cœpta est, quoad omnes; per particularem autem, non quoad non citatos; ex quo habetur ratio secundi.

Dices: rescriptum, de quo in præsens, est unum; ergo cum citatione particuli riat utatur eo rescripto; & usu rescripti firmetur jurisdictione rescripto delegata, citatione particulari firmabitur quoad omnes. Resp. usu rescripti firmari jurisdictionem quoad omnia in illo contenta, etiam si plura sint, & diversa, si rescriptum sit unum tam formaliter, quam materialiter; non autem, si unum solum materialiter, sed formaliter multiplex; ita Sanchez cit. n. 25. Molina de Just. Tr. 5. D. 19. num. 4. Ratio est: quia rescriptum ad diversa, & independentia, perinde se habet, ac si forent rescripta distincta. Sic stipulationes multiplicantur ad multiplicitudinem rerum specialiter designatarum, ut dicitur L. Scire debemus, ff. de Verb. obligat. Aliud est, si rescriptum contineat plura, sed connexa; vel plura, non tamen specialiter designata, sed una universalitate; tunc enim censetur adhuc unum, etiam formaliter; & usus unius, censetur etiam usus circa reliqua, quatenus commissa sunt; ita illi. Dixi, rescriptum censeri unum etiam formaliter, si contineat plura, sed connexa, intellige, inseparabili ter, & ubi dispositum in uno, altero nego, careret effectu. Unde sub hac limitatione intelligendum venit axioma illud: connexorum idem est judicium, ex quo aliqui nimis liberaliter procedunt, ut ostendit solidis omnino responsis P. Nicolaus Rayeus in Examine Juridico-Theologico Praæambulorum ad exhibitionem errorum P. Danieli Papebrochio; imputatorum

torum à P. Sebastiano à S. Paulo, preambulo 3. à n. 2.

^{1609.} Ex dictis colliges 1. quando alicui delegatur munus aliquod (v. g. visitandi aliquam Ecclesiam curatam, vel Monasterium) cuius exercitium citatione non indiget, jurisdictionem dici cœptam, consequenter rem non amplius esse integrum, per primum usum talis muneris circa aliquid eorum, ad quæ tale munus se extendet; quia nec citatione juridica, nec litis contestatione indiget, ut dicatur *cœpta*.

^{1610.} Ex hoc colliges. 2. idem dicendum in rescriptis *gratiae faciende*. Nam hoc ipso, quod cum *authoritatè*, hoc est, *communi virtuti rescripti* ad te voces, cui gratia facienda est, jurisdictione cœpta est, & negotium jam non amplius est integrum, consequenter non exspirat jurisdictione, & potestas exequendi gratiam, licet ante executionis finem delegans moriatur. Nam in rescriptis *gratiae* non habet locum judicialis citatio; sic Felinus in *c. Pastoralis*, §. *quoniam*, b. t. n. 3.

^{1611.} Collig. 3. si, postquam acceperisti rescriptum, ut inter Oratores dispenses in impedimento matrimonij, vocasti testes ad examinandum, *an preces veritate nitanuntur*? Jam negotium esse cœptum, nec amplius rem integrum, consequenter te nihilominus posse procedere ad dispensandum, licet Pontifex, qui hanc gratiam, faciendam illis, tibi delegavit, ante dispensationem factam decesserit; quia sic decessit, re non amplius integra.

^{1612.} Dixi *n. priori*, in rescriptis *gratiae faciende*. Difficultas est, quænam rescripta contineant *gratiam* jam *factam*; quæ primò *faciendam*? Sanchez l. 8. matr. D. 28. n. 87. dicit, duplenter fieri posse rescriptum *gratiae*, 1. quando alicui sic comittitur facultas de provisione *certæ personæ* in aliquo beneficio, vel absolutione, aut dispensatione facienda in favorem ejus, qui providendus, vel absolwendus, aut dispensandus est, *ut liberè uti possis ea facultate*. 2. *ut tenearis è uti ex mandato, vel precepto*. In primo casu dicit, rescriptum continere *gratiam faciendam*; in secundo casu, *factam*. Rationem dat, quia in priori casu nemini est jus quæsumum per eas literas, seu rescriptum. Non pro-

visuro; quia, ut ponit *casus*, facultas ibi non conceditur in ejus favorem; non *providendo*; quia relinquitur arbitrio providentis: ubi autem hic tenetur præstare gratiam, nihil requiritur, nisi mera executio, adeoque gratia jam est facta; sic ille.

Suarez l. 8. de legib. non approbat hanc doctrinam, quod, ubi delegatus tenetur exequi rescriptum, *gratia censeatur facta*. Quia illa obligatio, seu necessitas præstandi gratiam, transit in mandatum; mandatum autem exspirat morte mandantis, si contingat re integra, ut habetur in c. *Relatum*, 19. & *gratum*, 20. de offic. delegat. L. *mandatum*, C. *mandati*: ergo etiam tali casu exspirat ea gratia; quod tamen non fieret, si jam esset *facta*. Et ideo cum Molina tract. 5. de Just. D. 20. n. 4. docet citatus Suarez, attendendum, *ad quem rescriptum dirigatur*? si enim ad te dirigitur data tibi facultate, vi cuius eligas Confessorem, qui te absolvat, aut dispensem, aut tibi de beneficio provideat, gratiam censeri *factam*, sive Confessor ad id faciendum obligetur, sive non; quia gratia sic concessa jam est quasi dispensatio facta in re: at vero, si rescriptum directè referatur ad alterum, ut tibi provideat, te absolvat, vel tecum dispensem, gratiam non esse *factam*, sed *faciendam*. His non obstantibus:

^{1614.} Sententiam Patris Sanchez probabiliori rem judicat Castropalaus P. 1. tr. 3. D. 4. p. 16. §. 2. n. 3. cum Garcia de benefic. p. 6. c. 2. §. 3. à n. 304. quia in hac quæstione attendi debet, *cui gratia in effectu fiat non, ad quem rescriptum referatur*; sed in effectu gratia fit *dispensando*, sive rescriptum referatur ad dispensantem, sive ad dispensandum, si dispensans *teneretur dispensare*. Nam sive mandetur Sacerdoti, ut tecum dispensem, sive tibi dicatur, ut eligas Sacerdotem, qui tecum dispensem, ex obligatione, ut hoc faciat, in tui favorem rescriptum fit. Unde non solum rescriptum, in quo tibi conceditur beneficium primò vacaturum; sed etiam, quo mandatur Ordinario, ut tibi conferat beneficium primò vacaturum, rescriptum continet *gratiam factam*. Nam in utroque casu non tam Ordinarius tibi confert, quam exequatur gratiam à Pontifice fa-

Qam; in utroque enim habes jus ad beneficium primò vacaturum.

1615. Ad rationem in n. 1613. Resp. dupl. alicui imponi posse mandatum de faciendo aliquid, primò, quando gratia sit alicui in effectu; secundò, quando nondum sit in effectu; quo posito: dist. maj. illa obligatio, seu necessitas transit in mandatum de gratia, quæ in effectu sit, C. secùs, N. ma. si in effectu fieret, non tam haberet rationem gratiae ipsi factæ, sed potius oneris; dist. min. sed mandatum exspirat morte mandantis re adhuc integra, quando in effectu sit mandatario, C. tertio, N. min. & sub eadem distinctione conseq. Mandatum igitur datum alicui, ut provideat tertio, huic actu tribuit jus ad id, in quo providendus est, consequenter continet gratiam in effectu illi factam; tale autem mandatum non exspirat morte mandantis, cùm coipso res (utpote facta) non sit integra.

1616. Hanc tamen doctrinam limita, ut mandatum de providendo tunc contineat gratiam factam, quando est de providendo certæ persona, in re certa, & determinata; nam in re incerta, & non determinata non potest dici gratia facta, sed factenda; tunc enim pendet adhuc ex arbitrio mandatarij determinatio rei; sicut nec, si non determinatur persona cui. Quidquid enim alicui fit, & factum esse dicitur, in persona determinata fuit, aut factum est; hoc autem contingere non potest, cùm non determinatur, in quo fiat; sic Molina cit. n. 2. Requirunt etiam aliqui, ut gratia dicatur facta, in eo, cui fit, acceptationem, quia est quædam donatio, quæ non censetur facta priùs, quæ accedit donatarij acceptatio; sed aliud est, ut gratia sit facta ex parte concedentis; aliud, ut sit firma, & revocari non possit à concedente: acceptatio ad secundum, non ad primum requiritur; ita Suarez l. 8. de legib⁹, c. 31. n. 21. Sanchez cit. l. 8. D. 28. n. 43. & 69.

§. IV.

An, & quomodo potestas delegata per rescriptum, finiatur per revocationem delegantis?

1617. Supponendum, quod, si habens jurisdictionem ordinariam, eam alicui delegavit, etiam ad universalitatem causa-

rum, sive pro interno, sive externo foro, possit eam pro arbitrio revocare; cùm sic utatur jure suo, & disponat de re quasi propria. Delegatus enim non in vi jurisdictionis suæ, sed delegantis operatur; ita Felinus in c. Novit, 13. de Judic. à n. 80. Sanchez cit. D. 33. à n. 6. Hinc quando dicitur, jurisdictionem finiri revocatione delegantis, sensus est, eam exspirare in persona, cui commissa fuit; non in se, cùm maneat in delegante.

Quæstio autem est, an jurisdictione delegata finiatur in delegato per revocationem delegantis; etiam quando res non amplius est integra? responsio est affirmativa: juxta L. 5. ff. de Judic. ibi: judicium solvit, prohibente eo, qui judicari jusserrat; quod verum esse vult glossa ibid. etiamsi revocatio fiat post item contestatam; & quidem, ubi causa revocandi justa est, etiam licite; si revocatio non cedit in dampnum tertij, vel mandatarij. Mandans enim, loquendō universim, etiam re integrā, mandatum revocare potest, secluso aliorum damnō; constat ex Q. 9. Instr. Quomodo mandatum finiatur, ibi: recte quoque mandatum contractum, sì, dum adhuc integrā res sit, revocatum fuerit, evanescit. Nam si revocatio fieret re non integrā, usū jam facto, ratione cuius interest mandatarii, ut si sumptus jam fecisset, indemnis servandus est à mandante; arg. L. 15. ff. cod.

Quæstio est 2. quando talis revocatio finiatur effectum, in ordine ad hoc, ut in delegato finiatur jurisdictione commissa? Resp. quod non nisi postquam literæ revocationis Commissario fuerint presentatae, ac intimatae, cit. L. 3. & c. cùm contingat, 24. de rescript. ubi querenti propter literas ad diversos Judices imputatas super aliqua lite dubitatio nascitur, cui mandato parendum? an primo? an secundo? Innocentius III. Archi-Episcopo Rothomogeni recripsit: credimus distinguendum: an, cùm primum mandatum recepisse dignosceris, tibi forsitan innotuerit inter illos, & alios super jurisdictione discordiam suscitaram, an super hoc nihil omnino scivisti? Et quidem si super contentione hujusmodi nihil tibi penitus innotescat, cùm primum mandatum recipere te contingit: illud debes humiliter executioni mandare. Sed si postea con-

tra-

trarium tibi ab aliis demandatur, tunc litterarum ad utrosque à Sede Apostolica obtentarum copia postulata (quas tibi auctoritate præsentium districte præcipimus exhiberi, si ex ipsarum tenore deprehenderis evidenter, ita quod non sit aliquatenus hæsitandum) quod literæ, quæ ad illos, à quibus secundum mandatum receperis, imperatæ noscuntur, expressè revocent literas aliorum : tu illud intrepidus exequaris, quod tibi secundò loco mandatur. Si verò ex literatum inspektione manifestè tibi constet, quod literæ obtentæ ad illos, qui primum dedere mandatum, nullatenus exequatis. Quod si super hoc tibi merito fuerit dubitandum : ad exequendum secundum mandatum te procedere non oportet, donec juxta cuiusdam nostræ constitutionis tenorem inter eos hujusmodi concertatio sopiaatur. Et idipsum facere debes, si primò mandato recepto, & nondum executioni mandato, tibi forsitan innouerit, quod inter se super jurisdictione demandata cœperint disceptare. Ex quo vides, si mandatarius (mandato revocato) revocationis ignatus, procederet in causa mandata, ejus actus valere perinde, ac si nulla revocatio facta esset. Hoc tamen limitandum est, ut non procedat in mandato ad contrahendum matrimonium, nomine mandantis. Nam tale mandatum expirat hoc ipso, quod mandans, ante contractum matrimonium, voluntatem suam mutet, etiam ignorantie mandatario, seu Procuratore, per c. 9. de Procurat. in 6. id, quod etiam procedit in mandato manumissionis, per L. 4. ff. de manumissis vindictâ; ratio est, quia in his casib⁹ mandatarius non est propriè Procurator; sed tantum internuntius voluntatis ejus, à quo mittitur.

Ex dict. collig. 1. mandatum gratiæ facienda per mandantem semper validè revocari, quando res est integra, modò caveatur damno tertii, ut diximus, n. 1618. & revocatione intimata mandatario, in hoc jurisdictionem ei delegatam tunc expirare; non autem, antequam ei intimata sit, excepto casu mandati ad matrimonium contrahendum, ut constat à num. 1619. dixi, gratiæ facienda. Nam ubi gratia jam facta est, qualiter evenire diximus, cum mandatarius tenetur exequi mandatum, revocatio mandati non ob-

stat; cum id, quod jam factum est, integrum fieri nequeat; nam tunc res non est amplius integra. Dixi, quando res integra est; cum in hoc communiter Authores convenient; quando autem non amplius est integra, et si aliqui judicent, revocationem, etiam intimatam mandatio, non operari, ut in eo tunc desinat iurisdictio commissa; contrarium tamen (extra casum matrimonii) dicendum esse, modò caveatur periculo tertii, constat ex num. 1618.

Collig. 2. etiam Principis delegatum, qui totam jurisdictionem sibi delegatam alteri subdelegavit, posse illam revocare, re adhuc integrum, ex e. Quamvis, 6. b. tit. in 6. Si autem non totam, sed tantum partem causa; etiam re non integrum, poterit revocare jurisdictionem subdelegatam. Nam in hoc casu locum habet, quod dicitur L. § 8. ff. de Judic. Verante eo, qui judicare iussérat, vel ejus Superiore, judicium solvitur.

Q. V.

Qualiter potestas delegata per rescriptum finiatur morte mandantis?

SUPPONENDUM 1. in omni commissione 1622. ne per rescriptum esse attendendum, an mandatum, in rescripto contentum, contineat delegationem jurisdictionis contentiose, qualia sunt rescripta justitiae, ut partibus ministretur justitia; an vero contineat rationem beneficii, & gratiae, ut sunt facultates absolvendi a reservatis, dispensandi in impedimentis matrimonii, suscipiendo ordines ab alieno Episcopo, extra tempora, &c. Suppon. 2. in hac questione (an jurisdictione delegata expireret morte delegantis?) per mortem, in ordine ad finiendam jurisdictionem in delegato, etiam venire ejus depositionem ab officio; sic glossa in c. Licet, 3. b. tit. V. re integrum; Abbas ibid. n. 7. Sanchez l. 8. matr. D. 28. num. 32. quibus positis:

Communis regula est: jurisdictionem 1623. delegatam in causis justitiae, seu ad lites in delegato (re adhuc integrum) expirare naturali morte delegantis. Constat ex c. Relatum, 19. ibi: respondemus, quod se lis fuerit ante promonstrati obitum contentata;

statu, mandatum morte mandatoris nullatenus exspiravit. Si vero ante litis contestationem decepsit, non est a Judicibus, quos delegaverat, ex delegatione hujusmodi procedendum; sic Lucius III. item c. Gratum, 20. ubi ad quæstionem, an ante obitum delegantis proposito citationis edicto, lite vero post mortem contestata, nihilominus debeat in causa procedere delegatus? Et utrum is intelligatur appellationi renuntiâsse, qui eâ interpositâ ad producendos testes inducias postulavit, & demum productioni, & allegationi renuntians, attestations perit solenniter publicari? respondit Urbanus III. quod, cum in casu priori citatione facta negotium sit quasi captum (& maximè si delegatus non sit certus de obitu delegantis) potest, & debet in causa procedi, tenebitq. quod justitia fuerit præviâ definitum. In secundo vero casu videtur ab appellatione receplum, si secundum ea, quæ præmissa sunt, eum, qui appellaverit, constituerit processisse. & c. Licet, 30. h. t. de quo supra. Cujus ulterior ratio est, quia rescriptum, continens mandatum ad lites, non firmat jurisdictionem in mandatario, nisi ubi res non amplius est integra, seu, nisi cùm uti coepit, ut dicitur etiam in c. quamvis, 6. eod. in 6. ibi: ex quot tempore, & non ante, Index esse incipit. Et hoc sensu procedit, quod universim dicitur L. mandatum, 15. ff. mandati, mandatu re adhuc integra exspirare morte mandantis.

1624. Hæc regula extenditur 1. ad easum, esto mandatarius ignoret mortem mandantis. Quare si mandans re adhuc integra obiit; & mandatarius, primò post jurisdictione uti coepit, ejus acta non valent, defectu jurisdictionis, quæ, ut primùm mandans extinctus est, in eo exspiravit. Nam ignorantia, quod mandans obiérat, nulla juris dispositione firmat jurisdictionem, sicut, si per ejus usum res non fuisset integra, dum mandans obiit; ita Sanchez l. 3. matr. D. 22. n. 59. & colligitur ex L. 3. C. de jurisdic. omn. Judic. V. tamen limitationem aliquam à num. 1627.

1625. Extenditur 2. ut etiam procedat, mandante ab officio deposito, cuius ratio est ex n. 1622. Si quæras, an locum habeat, si delegans sit excommunicatus, suspensus, vel interdictus? videtur enim affir-

mandum. Nam jurisdictione Vicarii Generalis suspensa est, suspensa jurisdictione Episcopi; sed Resp. negative de delegato, licet verum sit de Vicario generali; hujus enim jurisdictione eadem est cum jurisdictione Episcopi; at jurisdictione delegantis distincta est à jurisdictione delegati; sic Abbas in c. Licet, 30. h. t. n. 8. Sanchez l. 3. matr. D. 30. à n. 3.

Extenditur 3. ut procedat etiam in delegato Principis mortuo delegante, & in subdelegatis mortuo subdelegante; colligitur ex cit. c. Licet, ubi dicitur, delegationem à Papa factam exspirare ipsi morte interveniente re adhuc integra, V. num. 1623. Id, quod verum est, licet illa jurisdictione à Principe delegata æquiparet ordinariæ; nam hoc verum est, re non amplius integra, & postquam delegatus (etiam ad universitatem causarum) cā usus est; sic Layman in c. Gratum, 20. h. t. n. 8. ut enim ordinaria sit, debet esse firmata, quod nos sit mortuo delegante, re integra, ex num. jam citato.

Limitari tamen debet prædicta regula, ex dictis, ut non procedat 1. si delegatus ad aliquem actum, eundem aliâs exercere potuit potestate ordinaria. Nam eo casu, etsi re adhuc integra obiérat delegans, & consequenter in delegato exspirat jurisdictione, in quantum est delegata; non tamen in quantum est ordinaria, non jure delegationis, sed dignitatis, vel officii, & muneri competens; tunc enim hæc à delegatione independens est.

Limitari debet 2. ut non procedat in jurisdictione delegata immediate ab ipsa dignitate concedentis, v. g. Sedis Apostolice. Nam sicut ea dignitas non exspirat morte personæ, quæ illam obtinuit; cùm ex se perpetua sit; sic nec exspirat id, quod concessum est, dum, & quamdiu ea existit. Cùm autem fieri possit delegatio dupliciter, vel immediate ab ipsa dignitate, vel immediate à possidente ac obtinente illâ; & usu compertū sit, nisi aliud exprimatur, communiter fieri secundò modō, sub eadem distinctione respondendum erit, ubi casus occurrit dubius.

Limitari debet 3. regula, quod mandatum extinguatur morte mandantis re integra; non autem, re non integra, ut hoc secundum procedat in commissione jurisdictionis ad lites, vel executionem.

Nam

- Nam in *præceptis* prout condistinguuntur à *legibus*, aut jurisdictione commissa, ut diximus, quæ privato imponunt obligationem aliquid faciendi, vel omittendi, non est idem. Hæc enim extincta persona præcipiente, vel ab officio remota, cum his extinguntur. Ea enim non sunt natura perpetua, & vim obligandi solum habent ex vi jurisdictionis *existentis in persona præcipiente*; ita Sanchez l. 8. matr. D. 28. n. 47.
1630. Limitari debet 4. ut non procedat in rescriptis meræ gratiæ jam factæ, ubi delegatus est merus executor ex mandato. Nam ubi res jam est facta, res non est amplius *integra*; cum ergo mors, concedentis gratiam, contingere ponatur facta jam gratiæ, licet executione pendente, non verificetur concedentem esse mortuum re *integra*, adeoque nec id, quod alias *consecutaneum* est, expirare mandatum in delegato (non ad jurisdictionem exercendam) sed gratiam jam factam exequandam.
1631. Limitari debet 5. dictum in n. 1624. ut non procedat in casu, quo post rescriptum intimatum, non tamen usurpatum, consequenter re adhuc *integra*, etiam post delegantis morteum, re *integra* facta, delegatus processit, communii errore hominum ignorantium casum mortis, atque

aded creditum, cum legitimè procedere. Nam ubi proceditur existente erore communii (licet desertit jurisdictionis *commisso*) & est titulus putativus (quem præstat rescriptum commissionis factum) defectum jurisdictionis in delegato supplet vel concédens, vel communias, ut est Ecclesia, vel Magistratus, si ab eo supplebilis est. Est hæc satis communis intentia, quæ passim supponitur, & fundatur in L. Barbarius ff. de offic. Præt.

Ista lex, usiū jam recepto, communiter obtinet in foro externo; sed de foro interno non omnes idē sentiunt, existimatess, jurisdictionem in delegato non suppleri, quando contingit casus, quo dato dispositio ne juris humani, jurisdictione vel nunquam accepta validè (qualiter contingit in simoni ac electis, iustis, &c.) vel finita est, ex alijs causis, solius juris humani, licet interveniat titulus coloratus, seu putativus, & communis error, seu existimatio, talem agere cum potestate legitima. Quia nec titulus in re falsus, nec opinio communis, nec error dat jurisdictionem. Ad hanc difficultatem resolvendam respondimus alibi, jurisdictionem tunc suppleri à magistratu vel Superiori necessitate boni communis sic ex gente.

QUÆSTIO IV.

IN TITULUM IV. DE CONSuetudine.

1633. Postquam absolvimus ea, quæ sunt de jure scripto (nimis de constitutionibus, & rescriptis) agendum est de consuetudine, quæ dicitur *jus non scriptum*, quia vim suam non obtinet promulgatione, sed moribus populi, & uterium, seu agentium actibus frequentatis. Hodie ratio *consuetudinis* nimis ampliatur; cum in omni ferè transgressione legis, usurpatione jurisdictionis, exactiōnum, & similiū pro causa, qua tales si bi actus esse licitos volunt, allegetur, communis usus, praxis, consuetudo; cum tamen certum sit, non omnem consuetudinem dare jus, aut habere vim contra legem. Unde Nicolaus Papa ad Hincmarum Remensem Archi-Episcopum, mala

consuetudo, inquit, *qua non minus, quam perniciosa corruptela, vitanda est, nisi ci- tius radicitus evellatur, in privilegiorum jus ab improbis assumitur, & incipiunt prævaricationes, & variae presumptiones celerrimè non compressa pro legibus vene- rari, & privilegiorum more perpetuo cele- brari.*

ARTICULUS I.

De consuetudine in genere.

1634. *Consuetudo sumi potest vel pro facto, vel pro jure. Consuetudo facti est fre-quentia operandi liberè eodem modo;* seu, *frequentia actuum humanorum si- milium*